



Broj: 16-12-16-3816-~~42~~ /24  
I. Sarajevo, ~~24-6~~ 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14 i 59/22), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23) i Izvještaja o toku i završetku e-aukcije od 18.06.2024. godine, na preporuku Komisije za nabavke za potrebe Državne agencije za istrage i zaštitu u 2024. godinu broj 16-12-16-3816/24 od 19.06.2024. godine, u postupku javne nabavke rezervnih dijelova za održavanje vozila Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača u postupku javne nabavke rezervnih dijelova za održavanje vozila Državne agencije za istrage i zaštitu

#### Član 1.

U postupku javne nabavke rezervnih dijelova za održavanje vozila Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2024. godinu broj 16-12-16-3816/24 od 19.06.2024. godine, okvirni sporazum na period od tri godine, dodjeljuje se ponuđaču „DRR AUTO d.o.o. Kiseljak“, ponuda broj 16-12-16-3816-6/24 od 04.06.2024. godine, za ponudenu cijenu u iznosu od 31.540,00 KM bez uračunatog PDV-a.

#### Član 2.

(1) Ponuđač „DRR AUTO d.o.o. Kiseljak“ obavezan je ugovornom organu dostaviti dokaze o ispunjavanju uslova iz tač. 11.1. i 12.2. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

## Član 5.

Ova odluka stupa na snagu danom donošenja.

### O b r a z l o ž e n j e

Odlukom broj 16-12-16-3816-1/24 od 03.05.2024. godine pokrenut je postupak javne nabavke rezervnih dijelova za održavanje vozila Agencije, procijenjene vrijednosti 52.000,00 KM bez uračunatog PDV-a, za koji je obavještenje o javnoj nabavci broj 1161-1-1-116-3-54/24 objavljeno na Portalu javnih nabavki od 15.05.2024. godine i u „Službenom glasniku BiH“, broj 36/24. Novčana sredstva za realizaciju nabavke obezbijedena su u okviru budžetskih sredstava za 2024. godinu, a na osnovu Instrukcije o privremenom finansiranju institucija Bosne i Hercegovine za period april - juni 2024. godine broj 05-02-2-2499-1/25 od 26.03.2024. godine i Dokumenta okvirnog budžeta 2024. - 2026. godina. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 22. Tenderske dokumentacije navedeno da je rok za dostavljanje ponuda 04.06.2024. godine do 12,00 sati, te da se ponude dostavljaju u zatvorenoj koverti, Komisija je dana 04.06.2024. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene ukupno tri ponude i to:

R/B	Naziv ponuđača	Ponuđena cijena u KM bez uračunatog PDV-a
1.	„KARE d.o.o. Sarajevo“	51.997,40
2.	„AUTOELEKTRA d.o.o. Sarajevo“	40.422,00
3.	„DRR AUTO d.o.o. Kiseljak“	31.540,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je u roku od tri dana dostavljen ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „KARE d.o.o. Sarajevo, „AUTOELEKTRA d.o.o. Sarajevo“ i „DRR AUTO d.o.o. Kiseljak“, prihvatljive odnosno ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Tenderske dokumentacije.

U skladu sa članom 17. st. (1) i (3) Uputstva za primjenu modela tenderske dokumentacije i ponuda („Službeni glasnik BiH“, br. 90/14 i 20/15) (u daljem tekstu: Uputstvo), Komisija je aktom broj 16-12-16-3816-9/24 od 12.06.2024. godine od ponuđača „AUTOELEKTRA d.o.o. Sarajevo“ zatražila prihvatanje ispravke greške računске prirode u Obrascu za cijenu ponude, obzirom da se radi o pogrešnom sabiranju kolona u Tehničkoj specifikaciji u tabeli na str. 81, tako da ukupna cijena ponude ponuđača „AUTOELEKTRA d.o.o. Sarajevo“ umjesto 40.422,00 KM bez uračunatog PDV-a treba da bude 41.122 KM bez uračunatog PDV-a. Ponuđač „AUTOELEKTRA d.o.o. Sarajevo“ aktom od 12.06.2024. godine prihvatio je greške računске prirode, te potvrdio da ukupna cijena ponude ponuđača „AUTOELEKTRA d.o.o. Sarajevo“ iznosi 41.122,00 KM bez uračunatog PDV-a, umjesto 40.422,00 KM bez uračunatog PDV-a.

Pored navedenog, Komisija je u skladu sa članom 66. Zakona i članom 17. stav (7) tačka b) Uputstva od ponuđača „DRR AUTO d.o.o. Kiseljak“ tražila obrazloženje neprirodno niske cijene u postupku javne nabavke rezervnih dijelova za održavanje vozila Agencije, obzirom da smatra da je cijena ponude za više od 20% niža od drugorangirane ponude. Ponuđač „DRR AUTO d.o.o. Kiseljak“ aktom broj 16-12-16-3816-8/24 od 12.06.2024. godine dostavio je pismeno obrazloženje u kojem je naveo da se cijene iz ponude ne mogu okarakterisati kao neprirodno niske. U aktu je između ostalog navedeno, da se s obzirom na višegodišnje iskustvo u nabavci i distribuciji rezervnih dijelova veći dio robe nabavlja direktno od proizvođača rezervnih dijelova ili velikih svjetskih distributera dijelova. Nabavka robe izvan Bosne i Hercegovine, od inostranih dobavljača jedna je od stavki koja navedenom ponuđaču pomaže da bude konkurentan na tržištu, budući da su nabavne cijene u inostranstvu niže od nabavnih cijena na domaćem tržištu. Dalje je navedeno da na osnovu dugogodišnje saradnje pored inače nižih cijena ostvaruje značajan popust na sve artikle što omogućuje povoljnu nabavku rezervnih dijelova, te da na tržištu kao i u ovom predmetu nabavke nastupa sa povoljnim i konkurentnim cijenama. Bez obzira na promjene na tržištu i variranje cijena rezervnih dijelova, kao ponuđač garantuje ugovornom organu nepromjenjivost cijena u toku izvršenja ugovora, da su cijene iz ponude radene na tržišnoj osnovi i u kalkulaciju istih uračunati su svi troškovi kao što su: cijena rezervnog dijela, zavisni troškovi, kao i marža. Cijene iz ponude su konačne i na njih ugovorni organ nema više nikakvih dodataka osim poreza na dodatnu vrijednost (PDV). Navode da su sa ugovornim organom imali potpisan ugovor za isporuku rezervnih dijelova u kojem su ponudene cijene bile niže od trenutno ponuđenih, a isti je uredno realizovan, te nije bilo nikakvih problema prilikom isporuke istih. Dalje, u aktu se navodi da nisu upoznati koje proizvode i sa kojom maržom su drugi ponuđači formirali svoje ponude, zato je nemoguće izvršiti poređenje svojih i njihovih cijena. Cijena rezervnih dijelova prije svega zavisi od različitih proizvođača koji su se mogli ponuditi u predmetnoj nabavci do načina nabavke istih zavisno o uslovima i popustima koje imaju dobavljači.

Nakon što je Komisija prihvatila odgovore ponuđača „AUTOELEKTRA d.o.o. Sarajevo“ i „DRR AUTO d.o.o. Kiseljak“, u skladu sa Pravilnikom zakazala je e-aukciju za dan 18.06.2024. godine u 11,00 sati u trajanju od 20 minuta.

Prema Izvještaju o toku i završetku e-aukcije od 18.06.2024. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Ponudena cijena bez uračunatog PDV-a	Rang
1.	„DRR AUTO d.o.o. Kiseljak“	31.540,00	1
2.	„AUTOELEKTRA d.o.o. Sarajevo“	41.122,00	2
3.	„KARE d.o.o. Sarajevo“	51.997,40	3

Shodno izvještaju o toku i završetku e-aukcije od 18.06.2024. godine Komisija je utvrdila da nije bilo snižavanje cijena ponuda u rasponu od 0,1% do 10% od ponudene cijene u skladu sa članom 10. Pravilnika.

Komisija je nakon provedenog postupka ocjenjivanja dostavljenih ponuda, utvrdila da je ponuda ponuđača „DRR AUTO d.o.o. Kiseljak“ ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije, te odlučeno da se okvirni sporazum na period od tri godine, u postupku javne nabavke rezervnih dijelova za održavanje vozila Agencije dodijeli ponuđaču „DRR AUTO d.o.o. Kiseljak“, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Danko Čulim